

TITI **Pepa Paulo ingere pa Titi**

Titi nde Paulo ninambwe tonje ikai wurâta nana ikatonanzi kalo-tawana tamâta ngu rârâni simo Krit sia kulu (1:5). I munja imo kuku Paulo, aku ilâ mbwani rua pa Korin lawea nana ikai kuleja pa Paulo (2 Korin 7:6-7, 8:6,16-21). Paulo itu ipanana Titi nana wurâta njinde iveta pa Maro Kindeni ne ngu, kala ingere ngua njine ilâ papa. Itula ngua rârâ nananzi tamâta njinde situ sipânga katonâja panzi ngu, njineja itula nzâla ara pinde pa Titi nana ikai poe panzi kalo-tawana tamâta kâ. Ipai tu kinda ma tapakatona sondo nananzi kalo-tawana tamâta lanja (1:16).

¹ Naja Paulo, naja amo Maro Kindeni ne wurâta tamâta wa Yesu Kirisi ne pâri-tamâta wa. I ipatea naja ku isupwana tu apanonzi tamâta munja ipateanzi njinde nenzi ilo-kalo, nana ma kalonzi tawana i. Aku isupwana nana asukanzi tu ma kalonzi ngere sondo nana ngua mao kâ, nana ma sipaveta kuku vetâja rârâni Maro Kindeni ilo papa njinde. ² Naja uru asukanzi tu nenzi kalo-tawana ma ikeno kaika, nana kinzi ma sio tininzi nana Maro Kindeni tu ma via mao ilanzi, nana simo ara mine ku simo nâ. Nia ndoyo, lâ zo njinde Maro Kindeni ipulia kelekele tonje ipânga tia yo, ande ipatea tu via njinde ma ilua kinda. Ande i nana ilâje kâ, ande tia ndo. ³ Aku i tamwata munja ipatea zo nana itula ne ilo-kalo pwataki pa kinda tamâta tu ma tasama kâ. I itula ngua mao nâ,

kala ngua njinde ipânnga nia yo marumbu lâ. Nenda Yautânga Tamwata Maro Kindeni ipatea naña lâ, kala wurâta ilana nana atula ne pâri ara panzi tamâta.

⁴ Titi, naña angere ngua njine lâ pepa tini imâ pano. Noko kutogo naña natungu mao, nana tu kinda rua nenda kalo-tawana nde taituni. Kinda Tamânda Maro Kindeni kuku nenda Yautânga Tamwata Yesu Kirisi rua nenzi wisi-wisi wa wisi-pisi wa imâ pano.

*Paulo ipai Titi tu ma ipateanzi tamâta ara pinde nana sikai katonânga panzi kalo-tawana tamâta ngu
1 Timoti 3:1-7*

⁵ Munnga naña apileno kumo Krit sia kulu, nana noko ma kuveta wurâta pinde sondo. Andeta wurâta njinde ipânnga ara tia yo. Naña ilongu tu noko ma kupateanzi katonânga lâ lawea rârâni nana sikatonanzi kalo-tawana tamâta ngu, ikura munnga aporo pano mine. ⁶ Noko ma kupateanzi tamâta ara nâ, nenzi vetânga mine: nenzi soki tonje tia lâ tamâta naonzi; kaiwanzi taine taitu-taitu nâ; natunzi rârâni kalonzi tawana Yesu Kirisi nâ; aku natunzi rârâni sipu mulinzi pa vetânga potomule wa mâsi nana tajanzi kaika panzi tinanzi-tamanzi wa. ⁷ Noko kusama tu kinzi katonânga nenzi tamâta njalajala uru siveta wurâta nana sikai poe sondo pa Maro Nalae ne wurâta kâ. Mine kala noko ma kupateanzi tamâta ara mine nâ nana simo mbâna-mbâna panzi katonânga kâ: nenzi soki tonje tia lâ tamâta naonzi; kinzi uru sipasuka warakanzi tininzi tia; kinzi uru wisinzi nâna walele tia; kinzi uru sinu lââ kaika ku sidauda tia; kinzi uru sipunzi tamâta potomule tia; aku kinzi ilonzi njalae konja

ɲana sigona mbaliɲa kâ, ande tia. ⁸ Aku ara ɲana kinzi katonâɲa nenzi tamâta ɲalaɲala ma simo tamâta mine tona; kinzi uru sikatonanɲi tamâta lombo sondo nâ lâ nenzi luma; kinzi ilonzi ndo tu siveta vetâɲa arara rârâni; kinzi sipakatona warakanzi nenzi ilo-kalo sondo; kinzi sipaveta kuku vetâɲa rârâni Maro Kindeni ilo papa ɲinde; aku kinzi sikai poe sondo nâ pa warakanzi. ⁹ Ara ɲana kinzi ilonzi ma ipaipa kuku ɲgua mao ɲinde muɲga sipanâna ɲana. Ambo kinzi ma simo mine, ande ma sikura ɲana sipanananzi tamâta ku sipu tini kaika panzi ɲana ɲgua mao rârâni ɲinde kâ. Aku ma sikura ɲana siporo ɲgua kaika panzi tamâta ea taɲanzi kaika ɲana pâri ara kâ, ɲana taɲa-kaika tamwatanzi ɲinde ma simora warakanzi nenzi vetâɲa soki kilala pwataki.

Tamâta rârâ simo Krit sia kulu uru siyaulanzi tamâta pinde nenzi kalo-tawana

¹⁰ Noko ma kupateanzi katonâɲa ara nâ, ɲana tu taɲa-kaika tamwatanzi rârâ nde simâ sipâɲga lâ, kala simo Krit kalo-tawana tamâta ɲgu rârâni ɲgininzi. Kinzi uru siporo ɲgua rârâ kaa nâ, aku uru sikai laɲeɲa panzi tamâta. Kinzi nawalanzi rârâ nde simo lâ Juda ɲgu, aku Juda tamâta ɲinde uru sipaveta kuku timbunzi nenzi mâsi kaa kaa. ¹¹ Tamâta ɲinde uru sipanananzi tamâta ɲana siveta vetâɲa potomule pinde, aku ɲinde nde ara tia ndo. Kinzi ilonzi tu sitapa mbaliɲa saɲenzi tamâta koa tia nâ. Aku lâ nenzi vetâɲa mine, ande kinzi siyaula tamâta pinde nenzi kalo-tawana, aku siyaulanzi tamâta ɲinde kaiwanzi-natunzi nenzi kalo-tawana mine nâ. Mine kala noko ma kupono

nzalanzi tu ma sikura tu siveta mine kilo tia. ¹² Mun̄ga, Krit sia nenzi ilo-kalo tamâta ton̄ge nde iporo mine tu, “Kinzi tamâta rârâni kala simo Krit sia kulu nde lan̄eja tamwatanzi. Kinzi nde tamâta sakamao ndo, sitogonzi ngoa ngoi mine. Kinzi ilonzi ndo tu sika n̄alae tina, an̄ga wulitia nde uru ikeno panzi.” ¹³ Ayo, n̄gua n̄inde nde mao kanājo. Mine kala noko ma kuporo kaika panzi tamâta n̄inde tu ma sipile nenzi vetâna potomule, ku sio nenzi kalo-tawana ilâ pa Maro Kindeni simbo nâ. ¹⁴ Aku kupainzi tu ma sitambira tan̄anzi kilo panzi Juda n̄gu nenzi usi kaa kaa ndimo. Kinzi ilonzi tu sipaveta kuku tamâta pinde nenzi n̄gua tukūna, andeta tamâta n̄inde sipu mulinzi pa n̄gua mao. Noko ma kupainzi tu ma sipaveta kuku tukūna n̄inde kilo ndimo. ¹⁵ Ambo tamâta ton̄ge imo tava ilo mbâra-mbâra lâ Maro Kindeni nao, ande kelekele rârâni nde mbâra-mbâra papa i. Taitu kulon̄jo n̄ga; ambo tamâta ton̄ge ipaveta kuku vetâna soki lâ Maro Kindeni nao, aku i n̄andai kalo-tawana Yesu Kirisi n̄ga, ande kelekele ton̄ge ikeno mbâra-mbâra papa i, ande tia. I ilo kalo ndoni nde ipân̄ga muso ndo lâ Maro Kindeni nao. ¹⁶ Tamâta pinde uru siporo lâ kawanzi mine tu, “Nan̄a kalon̄gu tawana Maro Kindeni”. Andeta nenzi vetâna n̄inde itula kilalanzi pwataki tu kinzi simo tan̄a-kaika tamwatanzi, aku sikura n̄ana siveta vetâna ara ton̄ge tia.

2

Ara n̄ana kinzi tamâta kokon̄a ma sipaveta kuku vetâna rârâni Maro Kindeni ilo papa n̄inde

¹ Anğa Titi, ara ɲana noko ma kupanananzi tamâta tu ma sipaveta kuku vetâɲa mao rârâni Maro Kindeni ilo papa ɲinde. ² Noko ma kupanananzi tamâne kokoɲa tu ma sipakatona warakanzi sondo ɲana kiesaka kâ. Kupanananzi tu ma kalonzi ɲgere sondo ɲana nenzi vetâɲa rârâni ku sipaveta kuku ilo-kalo ara nâ. Ambo kinzi ma kalonzi tawana Maro Kindeni sondo wa tininzi mwasa ndo panzi tininzi pinde wa simandi kaika ku sikale malia, ande ɲinde ma ara.

³ Aku mine nâ, noko ma kupanananzi taine kokoɲa tu ma sipaveta kuku vetâɲa arara rârâni Maro Kindeni ilo papa ɲinde. Noko ma kupanananzi mine: “Miki ma kaporo ɲgua soki panzi tinimi pinde ndimo. Miki ma ilomi ɲalae koɲa pa lââ kaika ndimo. Miki ma katula vetâɲa ara nâ panzi tinimi pinde tu ma siveta.” ⁴ Ambo kinzi taine kokoɲa ma soka tukuɲa ɲinde muli, ande kinzi ma sikura tu sipanananzi taine taipa ɲana tininzi mwasa ndo panzi kaiwanzi-natunzi. ⁵ Aku ara ɲana kinzi ma sipanananzi taine taipa ɲana mâsi ɲine tona: mâsi ɲana sipakatona warakanzi sondo ɲana kiesaka kâ, anğa mâsi ɲana simo ilonzi mbâra-mbâra lâ Maro Kindeni nao kâ, anğa mâsi ɲana sikatona nenzi luma sondo kâ, anğa mâsi ɲana naonzi mwasa nâ panzi kaiwanzi-natunzi kâ, anğa mâsi ɲana sipaveta kuku kaiwanzi tamâne nenzi ɲgua kâ. Ambo kinzi ma siveta vetâɲa mine, ande tamâta tonje ma ikura tu iporo ɲgua soki tonje ɲana Maro Kindeni kawa ɲgua kâ, ande tia.

Ara ɲana Titi ma itula vetâɲa ara panzi tamâta limoa tu sipaveta kuku

⁶ Aku mine nâ, noko ma kupaŋo kinzi tamâta limoa ilonzi kalonzi, ŋana kinzi kala ma sipakatonona warakanzi sondo ŋana kiesaka kâ tona. ⁷ Aku noko ma kutula nzâla panzi ŋana vetâŋa ara rârâni noko tamwata uru kuveta ŋinde, ŋana kinzi kala ma sipaveta kuku vetâŋa mine. Lâ zo ndia noko kupanananzi tamâta, ande noko ma kulaŋenzi ku kuporo ŋgua kapa-kapa panzi ndimo. ⁸ Ikura zo rârâni, ara ŋana noko ma kalo ŋgere sondo ŋana vetâŋa mao nâ, aku kuporo ŋgua sondo nâ panzi. Njineŋga soki tonje ma ikeno noko tini lâ tamâta naonzi, ande tia. Aku nenda kazâŋa tamâta ma sikura tu sisowe ŋgua soki tonje lâ kinda tininda, ande tia, ande kala ma mainzi ŋana nenzi ilo-kalo soki-soki ŋinde kâ.

Ara ŋana kinzi wurâta tamâta kaa nâ ma sipono muli pa nenzi tamâta ŋalaŋala kawanzi ŋgua

⁹ Noko ma kupanananzi tamâta ŋinde uru siveta wurâta koa tia nâ panzi tamâta ŋalaŋala mine tu, “Miki ma kapono muli pa nemi tamâta ŋalaŋala kawanzi ŋgua, aku kaveta wurâta kie-kie ara nâ, ikura nemi tamâta ŋalaŋala ilonzi papa mine. Miki ma kaporo ŋgua soki tonje itaulo panzi ndimo, ¹⁰ aku kapanawe nenzi kelekele ndimo. Ambo miki ma kapono muli pa nemi tamâta ŋalaŋala kawanzi ŋgua, ande kinzi ma wisinzi ara nâ pami ŋana nemi vetâŋa ara ŋinde kâ.” Ambo kinzi wurâta tamâta kaa nâ ma siveta mine, ande kinzi tamâta ma ilonzi ara ŋana pâri ara ŋana nenda Yautâŋa Tamwata Maro Kindeni kâ.

Kinda ma tapaveta kuku Maro Kindeni kawa ŋgua, ku tao tininda ŋana Yesu Kirisi kâ

¹¹ Kinda tasama tu Maro Kindeni itula ne wisi-wisi ipânga nia yo lâ. I ne wisi-wisi ñinde nde ñana iyaute kinda tamâta rârâni piti lâ kondoma ilo. ¹² Maro Kindeni ne wisi-wisi ñinde uru ipanana kinda ñana taveta vetâña sondo nâ lâ Maro Kindeni nao, aku ipanana kinda ñana tapile tâno ne ilo-kalo potomule rârâni tona. Aku wisi-wisi ñinde ipanana kinda tu tapakatonna warakânda ilonda kalonda sondo nâ. Mao nâ, kinda tamo lâ tamâta ñgininzi lâ tâno ñine kulu, andeta Maro Kindeni ne wisi-wisi ñinde uru ipanana kinda tu tapaveta kuku vetâña rârâni Maro Kindeni ilo papa ñinde. ¹³ Kinda tamo mine ku tao tininda pa ndekâña ne zo ñalae ñinde. Lâ zo ñalae ñinde, nenda Yautâña Tamwata Maro Ñalae Yesu Kirisi ma ipatua lâ nia yo tava Maro Kindeni ne walo wa sinâla ñalae wa. ¹⁴ Yesu Kirisi ipile tamwata ne via ku imâte ñana ipalalana kiesaka rârâni ne wâlo kaika piti lâ tininda, aku ñana iveta kinda tamo ilonda mbâra-mbâra wa tamo i tamwata ne ñgu wa. Aku ipile tamwata ne via ku imâte ñana igagati ilonda tu ma tandeka ñana taveta vetâña ara kê tona.

¹⁵ Ikura zo rârâni, noko ma kupanananzi tamâta ñana ñgua ñine kê. Aku kupu tini kaika panzi ñana sipaveta kuku ñgua ñine tona. Noko ma kundi kaika panzi taña-kaika tamwatanzi tu ma sipalele ñana nenzi ilo-kalo soki kê. Ambo tamâta pinde ma siveta “a” pa noko ne ñgua, ande noko ma kumege ñana nenzi ñgua ñinde ndimo. Noko ma kumandi kaika ku kumo nâ.

Maro Kindeni iveta kie ara pa kinda, nana kinda ma tapaveta kuku vetâna ara kâ

¹ Noko ma kupanananzi kalo-tawana tamâta tu ma simo lâ nenzi koipu nalanala kalonzi ku sipono muli pa nenzi ngua. Ara nana kinzi ma siluku nana siveta vetâna ara kâ ikura zo zo. ² Noko ma kupainzi tu ma siporo ngua soki wa wisi-nâna ne ngua pa tamâta tonje tia. Ambo kinzi ma sipatawa warakanzi tininzi ku simo mwasa nâ kunzi tamâta rârâni ikura zo zo, ande ninde ma ara.

³ Noko kusama tu munga kinda kala tapaveta mine nâ kuku ilo-kalo potomule, aku taveta taŋa-kaika ne vetâna. Lâ zo ninde, Sadana ilaŋe kinda, kala nandai tapaveta kuku vetâna ninde Maro Kindeni ilo papa nga. Lâ zo ninde, tâno nîne ne ndekâna kaa kaa tava ilo-kalo potomule nde ipânga itogo kinda nenda koipu mine. Aku kinda tapaveta kuku wisi-nâna ne vetâna, ku tapadâda nananzi tininda pinde tona. Lâ zo ninde, tamâta pinde sikai nânâo pa kinda, aku kinda taitu-taitu kala takai kazâna panzi tininda pinde mine nâ.

⁴ Andeta nenda Yautâna Tamwata Maro Kindeni itula ne kalo-sukâna wa ne tini-mwasa pwataki pa kinda lâ. Aku lâ zo ninde, ⁵ Maro Kindeni iyaute kinda piti lâ kondoma ilo. Andeta nenda vetâna ara tonje igagati i nana iveta mine kâ, ande tia. Iyaute kinda piti nana i tamwata ne kalo-sukâna nâ. Mao nâ, Koroani Sapâna ilili kinda lâ, kala Maro Kindeni iyaute kinda piti ku tapânga tatogo lâlû wasaseki mine, aku takai via wasaseki tona. ⁶ Maro Kindeni io ne Koroani Sapâna ilâ pa nenda Yautâna Tamwata Yesu Kirisi, aku Yesu kala io Koroani Sapâna ndainani nâ imâ nala pa kinda

mine nâ, ⁷ ɲana kinda ma takura tu tao tininda pa zo muli ɲinde ɲana ma tamo viânda mine ku tamo nâ. Mao nâ, Yesu Kirisi ne wisi-wisi iveta kinda tapânga ilonda mbâra-mbâra lâ Maro Kindeni nao, kala ma tamo mine. ⁸ Ɗgua kala muŋga nâ aporo ɲine nde mao nâ.

Naɲa ilonɲu tu noko ma kutula ɲgua ɲine pwataki panzi kalo-tawana tamâta, ɲana ma sipaveta sondu kuku vetâɲa ara. Ambo kinzi ma siveta mine, ande nenzi vetâɲa ara ɲinde ma ivilanzi tamâta rârâni, aku ɲinde ma ara ndo. ⁹ Andeta noko ma kutambira taɲa pa tamâta nenzi ɲgua kapa-kapa ndimo. Kinzi ilonzi ndo keno ɲana siporo sipawa ɲgua kaa kaa ɲana timbunzi ɲanzi wa Mose ne ɲgua tukuɲa duvi wa. Andeta kinda tasama tu ɲgua kaa-kaa mine ikura ɲana ivila kinda, ande tia. ¹⁰ Ambo tamâta tonɲe ma ilo tu izavarunzi kalo-tawana tamâta ɲgu pwapwataki, ande noko ma kuporo ɲgua kaika papa, ɲana i ne ilo-kalo ma ipânga ara kâ. Ambo noko ma kuveta mine mbwani rua, andeta ipono muli pa noko ne ɲgua tia, ande noko ma tini piti ndo ɲana i kâ. ¹¹ Noko kusama tu tamâta mine nde ilaɲa ipole nzâla ara marumbu lâ, kala ipânga itogo kiesaka tamwata mine. Aku i ne kiesaka ɲinde itula pwataki tu i tamwata ne ilo-kalo nde sakamao ndo.

Paulo ilo tu Titi ma imâ ikalele i

¹² Mwanɲa ɲga naɲa ma asupwa Artemas tâku Tikikus tâ imâ pano. Lâ zo ɲinde, naɲa ilonɲu tu noko ma kupatogo kaika ɲana kumâ pa naɲa lâ Nikopolis lawea. Naɲa ilonɲu tu ma amo lawea

ñinde lâ pisi ñalae ne zo. ¹³ Noko ma pwatonanzi Apolos ku Senas rua sondo. Senas nde ilo-kalo tamâta ñana ñgua tukuña kâ. Ambo noko ma kusuka kinzi rua sondo, ñineŋga lâ zo ñana soka nzâla kâ, ande kinzi ma siroto ñana sâ tonje tia.

¹⁴ Ara ñana ninda-nambwe kalo-tawana tamâta ma sipanâna sondo ñana siveta vetâña ara kâ. Ambo kinzi ma siveta mine, ande ma sikura tu sisukanzi tininzi pinde ñana kelekele pinde kâ. Ambo kinzi ma tininzi pwâka ñana sisukanzi tininzi pinde, ande ñinde ma ara tia.

¹⁵ Kalo-tawana tamâta pinde uru simo kuku naña, aku kinzi ñinde rârâni kawanzi kari ara pano. Naña ilonġu tu noko ma pwai maka kawama ku kuporo kari ara mine nâ panzi tamâta ñinde kalonzi tawana Yesu Kirisi kala tininzi mwasa pa maka.

Maro Kindeni ne wisi-wisi imo ku miki rârâni.

MARO KINDENI KAWA NGUA
The New Testament and Psalms in the Sio Language of
Papua New Guinea
Nupela Testamen long tokples Sio long Niugini

copyright © 1995 Wycliffe Bible Translators, Inc.

Language: Sio

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-08

PDF generated using Haiola and XeLaTeX on 11 Nov 2022 from source files dated 9 Oct 2020

21a9f7d3-4b3e-512c-ab21-eb25ed7aef4f